

Allannguutissatut siunnersuut
uunga

Uunga siunnersuut: Inuit Pisinnaatitaaffiitut Kalaallit Nunaata Siunnersuisoqatigiivi pillugit Inatsisartut inatsisaat nr. xx, xx 2012-imeersoq.

Aappassaaneerinninnermut Inatsisinut Ataatsimiititaliamit saqqummiunneqartoq

§ 3-mut

1. § 3, *imm.* 2-3, ima oqaasertalerneqassaaq:

” *Imm.* 2. Inuiaqatigiinni inuinaat soqutigisaqatigiiffii pisortallu suliffeqarfii uku tamarmik Inuit Pisinnaatitaaffiitut Kalaallit Nunaata Siunnersuisoqatigiivinut ilaasortassamik ataasimik toqqaasinnaapput:

- 1) Meeqqat Inuunerissut – MIBB.
- 2) Nanu – Nanubørn.
- 3) Kalaallit Nunaanni Illersuisut Peqatigiiffiat.
- 4) Nunatsinni Advokatit.
- 5) Kalaallit Nunaanni Sulisitsisut Peqatigiiffiat – GA.
- 6) Kalaallit Nunaanni Innarluutillit Piginnaanikitsut Kattuffiat – KNIPK.
- 7) Inuit Circumpolar Council - ICC-Kalaallit Nunaat.
- 8) Ilisimatusarfik.
- 9) Kalaallit Nunaanni Aalisartut Piniartullu Kattuffiat – KNAPK.
- 10) Kalaallit Nunaanni Naligiissitaanissamut Siunnersuisoqatigiit.
- 11) Sulinermik Inuussutissarsiuteqartut Kattuffiat – SIK.
- 12) Transparency Greenland.
- 13) Sorlak.
- 14) Kattuffik Utoqqaat Nipaat.
- 15) Meeqqat Illersuisuat – Meeqqat Inuusuttullu Oqaloqatiginnittarfiat – MIO.

Imm. 3. Pisortani oqartussaasut uku tamarmik Inuit Pisinnaatitaaffiitut Kalaallit Nunaata Siunnersuisoqatigiivinut ilaasortassamik toqqaasinnaapput:

- 1) Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisoqarfik – IKINN.
- 2) Kalaallit Nunaanni Kommunit Kattuffiat – KANUKOKA.
- 3) Inatsisartut Ombudsmandiat.”

§ 4-mut

2. § 4, *imm.* 5-6, ima oqaasertalerneqassaaq:

” *Imm.* 5. Ilaasortat § 3, *imm.* 3 malillugu toqqakkat alaatsinaatsullu siunnersuisoqatigiit ataatsimiinnerini peqataasartut, taasisinnaatitaanatillu qinigaasinnaatitaanngillat.

Imm. 6. Inuit Pisinnaatitaaffiit Kalaallit Nunaata Siunnersuisoqatigiivi aalajangiisinnaap-put soqutigisaqatigiiffiit oqartussallu il.il. allat siunnersuisoqatigiit ataatsimiinnerinut alaatsinaatsutut peqataasinnaasut.”

Siunnersuummut nassuiaatit

Nassuiaatit nalinginnaasut

Allannguissamik siunnersuutip tunuliaqutaa siunertaalu Inatsisinut Ataatsimiititaliap aap-passaaneerinninnissamut isumaliutissiissutaani erseqqinnerusumik nassuiaatigineqarpoq. Tas-sungalu innersuussisoqarpoq, kiisalu aalajangersakkat ataasiakkaat nassuiaatitaannut.

Allannguissamik siunnersuut pisortanut aningaasaqarnikkut allaffissornikkulluunniit kingu-neqassanngilaq, soorlu aamma malunnaatilimmik inuussutissarsiortunut, avatangiisinut pinngortitamut, inuiaat peqqinnissaannut imaluunniit innuttaasunut malunnaatilimmik kingu-neqassanani.

Aalajangersakkanut ataasiakkaanut nassuiaatit

Nr. 1-imut

Meeqqat Illersuisuat Inuit Pisinnaatitaaffiit Kalaallit Nunaata Siunnersuisoqatigiivinut ilaasortamik taasisinnaatitaasunik toqqaasinnaanermut periarfissinneqassasoq siunnersuutigineqarpoq.

Siunnersuisoqatigiit katitigaanerannik, imaluunniit ilaasortanik *taasisinnaatitaasunik taasisinnaatitaanngitsunilluunniit* toqqaasinnaanermut periarfissalinnut tunngatillugu, allannguissanik allanngit siunnersuuteqanngilaq.

Allannguutissatut siunnersuummi §3, imm 3-p oqaasertalerneqarnerani (kikkut Siunnersuisoqatigiinnut ilaasortanik taasisinnaatitaanngitsunik toqqaasinnaatitaasut allattorneqarfianni) toqqaasinnaatitaasut tamarmik ”pisortatut oqartussaasutut” taaneqarsinnaannginnerat isiginiarneqarsimavoq.

Nr. 2-mut.

§ 4, imm. 5-ip oqaasertalerneqarnerata allanngortinneqarnissaa siunnersuutigineqarpoq aalajangersakkap imarisaanik allannguissaq siunertarinngikkaluarlugu. Allannguutissatut siunners-

suutip oqaasertalerneqarnerani § 3, imm. 3 malillugu toqqaasinnaatitaasut tamarmik ”pisortatut oqartussaasutut” taaneqarsinnaannnginnerat isiginiarneqarsimavoq.

Aalajangersakkap malitsigissavaa ilaasortat § 3, imm. 3 malillugu toqqagaasut (tassalu ilaasortat Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisoqarfimmit/KANUKOKA-mit/Inatsisartut Ombudsmandianit toqqakkat) taasisinnaatitaanatillu qinigaasinnaatitaassanngimmata. Tamanna aamma atuuppoq alaatsinaatsunut § 4, imm. 6 malillugu Siunnersuisoqatigiit ataatsimiinnerini peqataasartunut.

Aamma Inuit pisinnaatitaaffiinik ilisimatusarfik – Danmarkimi namminermi inuit pisinnaatitaaffiinik sullissivik (Institut for Menneskerettigheder – Danmarks Nationale Menneskerettighedsinstitution), § 3, imm. 4 malillugu Siunnersuisoqatigiit ataatsimiinnerini peqataasinnaatitaasut, taasisinnaatitaanngillat (imminilu aamma qinigaasinnaatitaanaatilluunniit). Tamannali § 4, imm. 5-ip malitsiginagu § 3, imm. 4-p malitsigaa.

§ 4, imm. 6-imik allannguinnissaq siunnersuutigineqarpoq, suliniaqatigiiffiit allat kisimik pinnatik aammali oqartussat il.il. allat siunnersuisoqatigiit ataatsimiinnerini alaatsinaattutut peqataasinnaalersillugit.